

## YANGI O‘ZBEKISTON

Ijtimoiy-siyosiy gazeta

№ 95 (1156), 2024-yil 17-may, juma



www.yuz.uz



yuz.uznews



yuz\_official



yuz.uz\_news



yuz



## YANGI O‘ZBEKISTONDA MADANIYAT VA SAN‘ATNI RAVNAQ TOPTIRISH YO‘LIDA OLIB BORILAYOTGAN ISLOHOTLARNING AMALIY IFODASI

Prezident Shavkat Mirziyoyev 16-may kuni Toshkent shahrida O‘zbekiston xalq artisti Botir Zokirov haykalining ochilish marosimida ishtirok etdi, madaniyat va san‘at sohasidagi yangi maskan va loyihalar bilan tanishdi.



Davlatimiz rahbari milliy estrada san‘ati asoschisi, O‘zbekiston xalq artisti Botir Zokirov haykali ochilishi munosabati bilan o‘tkazilgan tadbirida san‘at muxlislarini qizg‘in tabrikladi.

— Bugun yurtimizda katta shodiyona — san‘at va madaniyat bayrami. Azim Toshkent shahrining qoq markazida xalqimizning

ardoqli farzandi, O‘zbekiston xalq artisti Botir Zokirov xotirasiga bag‘ishlab muazzam haykal ochilmoqda. Mana shu quvonchli voqea munosabati bilan siz, azizlarni, rahmatli Botir Zokirovning yaqinlari, shogird va muxlislarini, butun xalqimizni chin qalbidan samimiy muborakbod etaman, — dedi Prezident.

Botir Zokirov 1936-yilda san‘atkorlar oilasida tug‘ilib, voyaga yetgan. 29 yoshida O‘zbekiston xalq artisti unvoniga sazovor bo‘lgan. 2000-yilda “Buyuk xizmatlari uchun” va 2021-yilda “El-yurt hurmati” ordenlari bilan mukofotlangan.

Davlatimiz rahbari xonandaning benazir iste‘dod va insoniy fazilatlarini e‘tirof etdi.

Botir Zokirov juda qisqa — 49 yil umr ko‘rgan. Lekin shu yillar davomida o‘zidan rang-barang va boy ijodiy meros qoldirgan. Uning sehri ovozi yurtimizdagi har bir xonadonga kirib borib, xalqimiz qalbidan, san‘atimizning oltin fondidan joy olgan. Dunyoning madaniyat poytaxtlarida o‘zbek san‘atini zo‘r muvaffaqiyat bilan namoyish etgan.

Xonanda 1955-yilda, ayni kuchga to‘lgan paytida og‘ir dardga yo‘liqadi. Bir necha marta jarrohlik amaliyotlarini boshidan o‘tkazadi. Shifokorlar unga qo‘shiq aytishni taqib qo‘yadi. Lekin shu ahvolda ham ijodan, kuylashdan to‘xtamaydi.

Botir Zokirov umr bo‘yi yangilikka intilib yashardi. Sharq folklori va zamonaviy

estrada san‘atini uyg‘unlashtirib, “Muzik xoll” ijodiy jamoasini tashkil etgan, xonanda va kompozitor sifatida ko‘plab iste‘dodli yoshlarga ustozlik qilgan. Respublikamizda xizmat ko‘rsatgan “Yalla” ansamblining tashkil topishida Botir Zokirovning xizmatlari beqiyosdir.

Davomi 2-betda

## O‘ZBEKISTON RESPUBLIKASI PREZIDENTI SHAVKAT MIRZIYOYEVNING O‘ZBEKISTON XALQ ARTISTI BOTIR ZOKIROV HAYKALINING OCHILISHIGA BAG‘ISHLANGAN TANTANALI MAROSIMDAGI NUTQI

Assalomu alaykum, qadrlı vatandoshlar!

Hurmatli madaniyat va san‘at namoyandalari!

Bugun yurtimizda katta shodiyona — san‘at va madaniyat bayrami. Azim Toshkent shahrining qoq markazida xalqimizning ardoqli farzandi, O‘zbekiston xalq artisti Botir Zokirov xotirasiga bag‘ishlab muazzam haykal ochilmoqda.

Mana shu quvonchli voqea munosabati bilan siz, azizlarni, rahmatli Botir Zokirovning yaqinlari, shogird va muxlislarini, butun xalqimizni chin qalbidan samimiy muborakbod etaman.

Muhtaram do‘stlar!

Muqaddas yurtimiz zaminidan asrlar davomida ne-ne buyuk alloma va shoirlar, adib va me‘morlar, muhandis va rassomlar, hozir va bastakorlar yetishib chiqqanini yaxshi bilamiz. XX asrda ana shunday ulug‘ zotlarning

munosib davomchisi bo‘lib Botir Zokirov san‘at maydoniga chiqdi.

Barchamizga ma‘lumki, u O‘zbekiston xalq artisti Karim Zokirov va xonanda Shohista Saidova oilasida, ziyoli bir muhitda tug‘ilib, voyaga yetgan edi.

Taqdir Botir Zokirovning zimmasiga o‘zbek estrada san‘atining asoschisi bo‘lishdek ulug‘vor bir vazifani yukladi va bu vazifani u sharaf bilan ado etdi.

U san‘at olamiga qadam qo‘yganida respublika va sobiq ittifoq sahnalarida biri biridan buyuk va betakror xonandalar shuhrat cho‘qqisiga ko‘tarilib ulgurgan edi. Ana shunday mashhur san‘at darg‘alari orasida munosib o‘rin egallash oson emas edi.

Ammo, Alloh taoloning o‘zi Botir Zokirovga ato etgan benazir iste‘dod va insoniy fazilatlar tufayli u san‘at olamida chinakam mo‘jizalar yaratdi.

Bunday yuksak darajaga erishish uchun u, avvalo, xalqimizning qadimiy tarixi va boy madaniyatiga, mumtoz musiqa merosimiz, milliy va umumbashariy qadriyatlarga tayandi.

Botir Zokirov hayot mashaqqatlaridan qo‘rqmaydigan, har qanday sharoitda ham faqat ezgu maqsad sari intiladigan beqiyos iroda va matonat sohibi edi.

Xonanda 1955-yilda, ayni kuchga to‘lgan paytida og‘ir dardga yo‘liqdi. Xastalik tufayli bir necha marta g‘oyat murakkab tibbiy operatsiyalarni boshidan o‘tkazdi. Shifokorlar hofizning hayotini saqlab qolish uchun unga qo‘shiq aytishni taqib qo‘yadi.

Ammo “Kuylamoq — yashamoq demakdir” degan e‘tiqodni hayot mazmuni deb bilgan, ismi jismiga mos

o‘zbek o‘g‘loni qo‘shiq aytishdan to‘xtamadi. Qalbidagi ezgu tuyg‘ularni yanada to‘lib-toshib kuyladi. Hech shubhasiz, bunday jahodat, san‘atga bunday fidoyilik cheksiz hayrat va tashvish loyiqdir.

Aziz yurtdoshlar!

Botir Zokirov yashab ijod qilgan murakkab zamonda uning iste‘dodi, shon-shuhratiga g‘arazli ko‘z bilan qaraydigan kimsalar ham, afsuski, yo‘q emasdi. Lekin hayotni kurash maydoni deb bilgan bu matonatli inson barcha to‘siqlarni mardona yengib o‘tdi.

Betakror hofizning billurdek tiniq ovozi xalqimizning asriy orzu-armonlari, yorug‘ kunlarga ishonchi baralla yangradi. U qisqa muddatda sobiq sho‘ro makonida millionlab ixlosmandlarga ega bo‘lgan sevimli san‘atkoriga

aylandi. Botir Zokirov SSSRdagi barcha yirik shaharlar, dunyoning manaman degan madaniyat poytaxtlarida o‘zbek san‘atini zo‘r muvaffaqiyat bilan namoyish etdi.

Xonandaning ijodiy repertuari uning go‘zal va hassos qalbi singari keng edi. Uni hindlar — hind deb, fransuzlar — fransuz, arablar — arab qo‘shiqchisi deb qabul qilishar edi.

Ayniqsa, 1966-yili Parijga qilgan ijodiy safari Botir Zokirovga olamshumul shuhrat keltirdi. Ushbu shahardagi mashhur “Olimpiya” teatri sahnasiga ko‘tarilib, ikki marta kuylash — e‘tibor bering, ikki marta kuylash — dunyoda kamdan-kam ijrochiga nasib etgan. Noyob iste‘dodi bilan jahonni zabt etgan bunday afsonaviy san‘atkorimiz bilan har qancha faxrlansak, g‘ururlansak arziydi.

Davomi 2-betda

## MALAYZIYA BOSH VAZIRI RASMIY TASHRIF BILAN O‘ZBEKISTONGA KELADI

O‘zbekiston Respublikasi Prezidenti Shavkat Mirziyoyevning taklifiga binoan Malayziya Bosh vaziri Anvar Ibrahim 17-19-may kunlari rasmiy tashrif bilan mamlakatimizda bo‘ladi.

Tashrifning birinchi kunida Toshkent shahrida oliy darajadagi tadbirlar va muzokaralar o‘tkazilishi rejalashtirilgan.

Sammit kun tartibidan tizimli siyosiy muloqotni rivojlantirish va madaniy-gumanitar almashinuvni kengaytirish, savdo, innovatsiyalar, energetika, neft-kimyoo, elektrotexnika va elektronika, qishloq xo‘jaligi va iqtisodiyotning boshqa sohalari aniq kooperatsiya dasturlari va

loyihalarini ilgari surish masalalari o‘rin olgan.

Bundan tashqari, xalqaro kun tartibidagi dolzarb masalalar yuzasidan fikr almashiladi.

Malayziya Hukumati rahbari Samarqand va Buxoro shaharlariga ham tashrif buyurib, xalqimizning boy madaniy-tarixiy va ma‘naviy merosi bilan tanishadi, qo‘shma biznes-forumida ishtirok etadi.

O‘ZA

## YANGI O‘ZBEKISTON RUHI

Adolat sog‘inchi va Uyg‘onish ramzi

O‘zbekiston xalq artisti Botir Zokirov haykali ochilishi o‘ziga xos san‘at va madaniyat bayramiga aylandi

HECH BIR TASHABBUS BEJIZ EMAS

Inson — fikrat olami, shuningdek, xayolot va xotiralar, shirin sog‘inlar iskanjasida yashaydigan xilqatdir. Shu o‘rinda umummillat o‘ylari, musharak sog‘inlar haqida so‘z yuritmoqchimiz. Ulardan biri — adolat sog‘inchi bo‘lsa, boshqasi — qadim zamin ohanglari bilan qalbimizga, qon-qonimizga singib ketgan vujudiy hissiyot birligi.

Ba‘zan ko‘p ishlarni shunchaki jo‘n qabul qilamiz. Go‘yo o‘zi shunday bo‘lishi kerakdek. Aslida esa boshqacha — bu dunyoda hech bir harakat o‘z-o‘zidan sodir etilmaydi. Har bir ishda, har bir tashabbusda hikmat bor, unda fikriy qudrat mujassamlashgan bo‘ladi.

Bir maqolamizda bugungi siyosiy diplomatiya allaqachon yangi o‘zanini topgani, bu yo‘l “kuch diplomatiyasi”ga asoslangani bilan g‘oyat tahlil va xatarli bo‘lib qolayotgani haqida yozgan edik. Bunday deysimizga Prezidentimiz Shavkat Mirziyoyevning Respublika Ma‘naviyat va ma‘rifat kengashining 2023-yil 22-dekabr kuni bo‘lib

o‘tgan kengaytirilgan yig‘ilishida “Bugun jahon miqyosida taraqqiyot sur‘atlari misli ko‘rilmagan darajada shiddatli tus olmoqda. Ayni vaqtda azaliy qadriyatlar, ijtimoiy-siyosiy qarashlar tizimida chuqur transformatsiya jarayonlari yuz bermoqda. Ilgari o‘z maqsad va manfaatlarini, asosan, diplomatiya va siyosat bilan himoya qilib kelgan dunyodagi qudratli markazlar endi ochiqchasiga bosim o‘tkazish, qarama-qarshilik va to‘qnashuvlar yo‘liga o‘tganiga hammamiz guvohimiz”, degan g‘oyat dolzarb mushohadalari sabab bo‘lgan edi.

Davomi 3-betda







Dolzarb mavzu

# TIL BILISH SERTIFIKATI

Go'yo kechagina talabalar safiga qabul qilingan yigit-qizlar bugun o'qishni bitirish arafasida. Vaqt yugurik, ko'z ochib-yunguncha to'rt yil suvdek oqdi-ketdi. Hademay "oltin davr" adog'iga yetadi. Bitiruvchi kurs talabalari bitiruv-malakaviy ishi yozish va yoqlashga tayyorgarlik bilan band. Orada qolib ketgan fanlarni qayta topshirayotganlar ham yo'q emas.

## Bu yildan boshlab bo'lajak magistrlar uchun ushbu talab bekor qilinayotgani rostmi?



Mansurbek JABBOROV, "Yangi O'zbekiston" muxbiri

Qo'l-qo'lga tegmay, hatto erkinroq nafas olishga ham vaqt bo'lmayotgan bir paytda ikki yildan buyon chet tili kursiga qatnayotgan kursdoshimiz jig'ibiyron bo'lib, "Magistraturada o'qish uchun chet tilini bilish darajasi talabi bekor bo'lishi mumkin ekan", deya ichimizga g'ulg'ula solib qo'ydi. Xabar universitetda yashidek tez tarqaldi. Buning ustiga ommaviy axborot vositalari, ijtimoiy tarmoqlarda ham chet tili sertifikatini talab bekor bo'lishi mumkinligi haqida xabarlar e'lon qilina boshladi.

Bu hammaning xayolini o'g'irladi. Sababi o'qishni magistraturada davom ettirishni reja qilganlar bir necha yildan buyon chet tili kursiga qatnagan, shuncha sa'y-harakati yo'qqa chiqishidan xavotirda. Aslida, til bilgan yaxshi. Bugun zamonaviy kadrlarning birorta xorijiy tilni bilish, shu orqali chet el tajribasini o'rganish va faoliyatida qo'llash malakasi nihoyatda qadrlanadi. Biroq magistraturaga qabul jarayonida nomzoddan til sertifikatini talab qilinayotgani ko'plab iqtidorli yoshlarning nazardan chetda qolishiga ham sabab bo'lmoqda.

Biroq hisobotda chet tili sertifikatini talabning majburiy etib belgilangani OTMLar magistratura bosqichidagi ta'lim sifatiga qanday ta'sir qilgani haqida hech qanday ma'lumot yo'q.

### Mas'ullar masalaga aniqlik kiritdi

O'quv yili tugab, magistratura bosqichi uchun sinov boshlanadigan pilla yaqin. O'qishni davom ettirmoqchi bo'lganlarning esa boshi qotgan. Nihoyat mas'ullar tushunmovchiliklarga



### Kadrlar malakasiga ta'siri

Shu o'rinda savol tug'iladi: xo'sh, bu talab bilan nimaga erishyapmiz? Xorijiy tilni bilish darajasi sertifikatini talab qilinayotgan talabalar o'qishni magistraturada davom ettira olmasligi tufayli yaxshi mutaxassislardan ajralib qolmayapmiz?

Aholisi ingliz tilida so'zlashuvchi davlatlar va boshqa ko'plab mamlakatlarda oliy o'quv yurtlarida IELTS sertifikatini talab qilinadi. Kanada, Avstraliya va Yangi Zelandiya kabi davlatlarga ishlagan bormoqchi bo'lganlar ham shunday sertifikat olishi kerak, — deydi O'zJOKU katta o'qituvchisi Davron Mansurov. — Shu sabab ko'pchilik yoshlar IELTS sertifikatini olishga intilmoqda. OTMLarning magistratura va doktorantura bosqichiga hujjat topshirishda ham til sertifikatini talab qilinmoqda. O'tgan yilgi qabul jarayonida O'zbekiston OTMga xorijiy til sertifikatini talabi bois, davlatning magistratura qabul kvotalari bajarilmadi. Bu talab oldimizga bir qancha muammolarni qo'ydi.

Birinchidan, bakalavriat bosqichining ilmiy faoliyatni davom ettirish salohiyatiga ega bitiruvchilarni OTMda olib qolish imkoniyati yo'qolayotir.

Ikkinchidan, chet tillarni mukammal biladigan yoshlar ta'limni xorijda davom ettirishni ma'qul ko'radi. Uchinchidan, salohiyatli, oliy ma'lumotga ega mahalliy yoshlar chet davlatlar mehnat bozorini to'ldirayotir va davlat iqtisodiyotiga katta foyda keltirmayapti.

To'rtinchidan, chet davlatlarga ishga ketgan yoshlarning yurta qaytish kafolati yo'q. Shulariga asoslanib, mamlakatimiz OTMLarida magistratura va doktoranturada ilmiy faoliyatni davom ettirishni niyat qilgan salohiyatli yoshlar uchun chet tillarni bilish darajasini belgilab beruvchi sertifikat talab qilib amaliyotdan voz kechishimiz kerak.

E'tibor bergan bo'lsangiz, til sertifikatiga ega talabalarning ko'pi o'qishni davom ettirish uchun chet elga chiqib ketmoqda. Yurtimizda emas, boshqa mamlakatlarda faoliyat yuritaypti. Bu esa yaxshi mutaxassislardan ayirilib qolayotganimizni ko'rsatadi.

### Talabalar nima deydi?

Til bilish darajasi sertifikatiga doir so'nggi yangiliklar talabalarga qanday ta'sir qildi? Yoshlar qanday o'zgarishlarni kurgan edi? Sertifikat bo'yicha talablar o'z holida qolgan ma'qulmi yoki umuman bekor qilingani?

Ta'limning magistratura bosqichi uchun hujjat topshirayotgan talabalardan xorijiy tilni bilish darajasi to'g'risidagi sertifikat talab qilinishi, albatta, yaxshi, — deydi O'zbekiston jurnalistika va ommaviy kommunikatsiyalar universiteti talabasi Kamoliddin Ro'zimatov. — Buning natijasida ko'plab yoshlarda xorijiy tillarni o'zlashtirishga intilish oshadi. O'tgan vaqtda shunday ham bo'ldi. Kasbiy yo'nalishiga qo'shimcha ravishda xorijiy til o'rganib, sertifikat olganlar soni ko'paydi. Biroq ushbu

tartib ayrim talabalar uchun ham, oliy ta'lim tizimi uchun ham bir qancha muammolarni keltirib chiqardi deb o'ylayman. Bakalavriat bosqichidagi talabalar o'qish davomida chet tilini o'zlashtira olmagani, sertifikatini yo'qligi sabab "Magistraturada keyinroq o'qiyman" degan fikrga keldi. Tajribada bunday bitiruvchilar keyinchalik umuman o'qish fikridan qaytib qolganiga guvoh bo'ldik. Chunki bakalavriatni tamomlagandan so'ng 1-2 yil o'tib, bilim bir oz pasayadi. Bundan tashqari, bakalavriatda o'qish davomida chet tilini zo'r o'zlashtirib, sertifikat olgan talabalar yurtimizdagi oliygo'harlarga emas, balki xorij OTMLariga kirib o'qiyapti. Agar bu talaba davlat granti asosida o'qigan bo'lsa, unga sarflangan pul shunchaki havoga uchaypti, tayyor kadr boshqa mamlakat uchun ishlab beryapti. Yaqinda e'lon qilingan o'zgartirishlar esa muammolarni yechimiga hech qanday ta'sir ko'rsatmaydi deb o'ylayman. Bu daromadli kamayib ketgan ayrim OTMLarni tinchlantirish uchun ko'rilgan vaqtincha choraga o'xshaydi.

### Adolati yechim zarur

Joriy yil 6-may kuni Prezidentimiz huzurida oliy ta'lim yo'nalishlarini optimallashtirish, qabul va malaka tizimlarini takomillashtirish bo'yicha takliflar taqdimoti bo'lib o'tdi. Unda bir qancha muhim masalalar tahlil qilindi. E'tiborlisi, endi muayyan yo'nalishga ajratilgan davlat granti doirasida yuqori ball to'plagan abituriyent, tanlangan oliy ta'lim muassasidan qat'i nazar, davlat grantiga tavsiya etiladi. Ya'ni yuqori ball olgan yoshlar o'qishga kirmay qolmaydi. Bundan tashqari, endi davlat granti 4 yilga bitta talabaga emas, balki har yili yuqori baholarga o'qigan talabalar orasida qayta taqsimlanadi. Davlatimiz rahbari bu tizimni adolati yo'lga qo'yish, yoshlarga va ota-onalarga yetkazish zarurligini ta'kidladi. Ko'plab talabalar, abituriyentlar bu xalqchil o'zgarishdan quvonmoqda. Chunki endi o'qigan ko'chada qolmaydi.

Til bilish darajasi sertifikatini talab qilish ham mana shunday adolati yechim kerak. Masalan, talabalar fikridan kelib chiqib, xorijiy til bilish darajasi talabini turli yo'nalishga har xil qilib belgilagandan ko'ra nomzod magistratura bosqichiga kirib, o'qishni tamomlaguncha til sertifikatini o'zi o'qiyotgan oliy ta'lim muassasasiga olib kelib topshirsa, ehtimol, maqsadga muvofiq bo'lar. Shunda o'z ishini mutaxassis bo'lgan talaba bilimini yanada mustahkamlash uchun magistratura bosqichida bemalol o'qiy oladi va kadrlar masalasi ham o'z yechimini topadi. Oliy ta'lim tizimi esa moliyaviy qiyinchiliklarga uchramaydi.



### Islohotlar amalda



Bir zumda joriy o'quv yili ham yakuniga yetyapti. Bitiruvchilarda hayajon, ota-onalar oldida esa jiddiy masala: "Farzandimni qayerga, nimaga yo'naltiraman ekan?". Ayniqsa, o'g'li yoki qizi 9-sinfni tamomlayotganlarda bu o'y ko'proq bo'lishi tabiiy. Akademik litseyga borgani ma'qulmi, kasb-hunar kollejigami yoki 11-sinfga qadar maktabda o'qishni davom ettirgani yaxshimi?

## BOLALAR MAKTABGA SHUNCHAKI KELIB KETMASIN

Aksariyat bitiruvchilarning o'zi ham kim bo'lsam ekan, degan savolga aniq javob topa olmay, duch kelgan mutaxassislikni tanlashga majbur. To'g'ri, farzandining keyingi taqdirini o'zi hal qiladigan ota-onalar ham bor. Bolaning qiziqishiga qaraydiganlar esa insonning o'zini baxtli his qilish darajasi tanlangan kasbi bilan bog'liqligiga ishonadi. Biroq har ikki yo'lda kutilmagan tasodiflar bo'lishi mumkin. Qisqasi, farzand kelajagi masalasida shunchaki qaror qabul qilib bo'lmaydi. Bunday vaziyatda maktablardagi kasb-hunarga yo'naltirishga mas'ul xodim — psixologlar ota-onaga ma'lum ma'noda yordam bera olishi mumkin. Chunki ular mutaxassis sifatida bolaning qiziqishini ba'zi ota-onalardan yaxshiroq biladi. Ular sabab to'g'ri yo'l tanlagan yoshlar amaliyotda buni isbotlayotganiga guvohmiz.

Davlatimiz rahbari maktab o'quvchilarining qiziqishidan kelib chiqib, ularga kamida ikkita xorijiy til va bitta hunar o'rganishni taklif qilgandi. Tajriba uchun barcha hududlarda maktablar tanlab olindi. Hokimliklarga

mazkur maktablarda kasb-hunar ustaxonalari tashkil etish, jihozlash va zarur ashyolar bilan ta'minlash topshirig'i berilgan. Yoshlar yetakchilari, tadbirkorlar ham jalb etilgan mazkur tajriba uchun Yoshlar jamg'armasidan mablag' yo'naltirilyapti. Chet tillarni sifatli o'rgatish uchun esa maktablarga "til egasi" bo'lgan pedagoglarni jalb qilish, Prezident maktablarining til o'rgatish tajribasi, darslik va dasturlarini tatbiq etishga e'tibor qaratilyapti.

Mamlakatimizdagi 208 ta maktabda ikkita xorijiy til va muayyan kasbga o'rgatish amaliyoti joriy qilindi. Ikkinchi xorijiy tilni o'rgatishga o'quvchilar ham, o'qituvchilar ham katta qiziqish bildirdi. Bir yil davomida bu amaliyot yaxshi natija berdi. Haftada 2 soat ikkinchi xorijiy til o'qitildi. 2024/2025-o'quv yilidan boshlab mazkur amaliyot 10-sinfda qo'llanadi. Chunki 9-sinfni tamomlagan o'quvchi oldiga aniq maqsad qo'ygan bo'ladi, — deydi Maktabgacha va maktab ta'limi vazirligi boshqarma boshlig'i o'rinbosari Shahlo Temirova. — 10-sinfdan ikkinchi

xorijiy til intensivlashtirilgan holda o'rgatiladi. Ya'ni haftasiga 2 soat emas, 4 soatdan o'tiladi. Ayni paytda vazirlikka 370 dan ortiq maktab 2 ta xorijiy til o'rgatish amaliyotini joriy etish taklifi bilan chiqqan. O'qituvchi va o'quvchilar o'rtasida so'rovnoma o'tkazilib, bu boradagi ishlar aniq reja asosida davom ettiriladi.

Vazirlik xodimining aytishicha, o'quvchilarning qiziqishi, hududlar ahamiyotidan kelib chiqib, kasb-hunar amaliyotiga moslashtirilgan maktablar soni ko'proq. Xususan, Samarqand viloyatida qo'shimcha 80 ga yaqin maktabda kasb-hunarga o'rgatilyapti. Bu yaxshi, albatta. Muhimi, ehtiyoj bor. Ayni faoliyat yoshlarni tarbiyalash barobarida hayot maktabiga tayyorlashga xizmat qiladi. Hunar insonni sabr-bardoshli bo'lishga undaydi, hamisha rizqlantirib turadi. Buni tushunib yetgan maktab o'quvchilari allaqachon bir hunarning etagidan tutgan. Jumladan, Andijon shahridagi ta'lim muassasalarida kasb-hunar egallab, hatto mo'may daromad topayotgan o'quvchilar safi kengayaypti. Yaqinda shahardagi 18-maktabda "Orzulami

maqsadlarga aylantiramiz" shiori ostida "Yetuk hunarmand" forumi o'tkazildi. Unda hunarmand o'quvchilar mahsulotlari ko'rgazmasi namoyish etildi.

Demak, bugun ilgari surilayotgan tashabbus takliflar, yangi tajribalar amaliyotga to'g'ri tatbiq etilsa, albatta, kutilgan natijaga erishamiz. Aslida, ayni shu maqsadlar Prezidentimizning 2020-yil 6-noyabrda "O'zbekistonning yangi taraqqiyot davrida ta'lim-tarbiya va ilmiy sohalarini rivojlantirish chora-tadbirlari to'g'risida"gi farmonida aks etgan. Unda 7-sinfdan oqituvchi so'rovnoma o'tkazish, kasb-hunarga qiziqishlarni aniqlab, ma'lumotlar bazasini yaratish, har oyda bir marta "Kasblar olamiga sayohat" mavzusida maxsus kurslar, 8-sinfda har chorakda kamida bir marotaba "Mening kelajakdagi kasbim" mavzusida seminar-treninglar olib borish belgilangan. 9-sinf o'quvchilarining kasbiy moyilligi bo'yicha o'tkazilgan pedagogik-psixologik tashxislar natijasi asosida kelgusida aniq ishchi kasblar bo'yicha kasb-hunar maktablarida o'qishni mumkin bo'lgan o'quvchilar o'rtasida kasbga yo'naltirish ishlarini olib borish zarurligi qayd etilgan.

O'quvchilarning kasbiy qiziqishini oshirishda, kasblar haqida ma'lumotlarga ega bo'lishda o'z sohasining fidoyilari, mehnatidan sharaf topganlar bilan munozar uchrashtirish o'tkazib turish foydadan xoli bo'lmaydi.

Munojat Rahimjon qizi, jurnalist

